

Roghanna Tithíochta



**Treoirleabhair ar na roghanna tithíochta
sóisialta atá ar fáil trí Údarás Áitiúla**



Foilsithe org:

Gníomhaireacht Tithíocht

Dáta foilsithe:

Feabhra 2018

Sonrai teagmhála

Gníomhaireacht Tithíocht

53 Sráid an Mhóta Uachtarach

Baile Átha Cliath 2

01 656 4100

info@housingagency.ie

Le haghaidh tuilleadh faisnéise, tabhair cuairt ar
www.housingagency.ie

ISBN - 978 - 1 - 903848 - 43 - 2

Clár Ábhar

| | |
|--|----|
| Cuspóir na Cáipéise | 5 |
| 01 Comhthéacs Beartais | 6 |
| 02 Tacaíocht Tithíochta Sóisialta | 9 |
| 2.1 Údaráis Áitiúla | 9 |
| 2.2 Comhlachtaí Faofa Tithíochta | 9 |
| 03 Incháilitheacht do Thithíocht Shóisialta agus Riachtanas Tithíochta Sóisialta | 10 |
| 04 Iarratas a dhéanamh ar Thacaíocht Tithíochta Sóisialta | 11 |
| 4.1 Foirm Iarratais | 11 |
| 4.2 Ceangal Áitiúil | 11 |
| 4.3 Roghanna Ceantar | 11 |
| 4.4 Tithíocht Chomhlacht Faofa Tithíochta | 11 |
| 4.5 Breis Faisnéise | 11 |
| 05 Measúnú | 12 |
| 06 Liostaí Feithimh Tithíochta | 13 |
| 6.1 Rogha Tithíochta a Ligean | 13 |
| 07 Tithíocht a leithdháileadh | 14 |
| 08 Roghanna um Sholáthar Tithíochta Sóisialta | 15 |
| 8.1 Stoc Údaráis Áitiúil | 15 |
| 8.2 Stoc Comhlacht Faofa Tithíochta | 15 |
| 8.3 Íocaíocht Cúnaimh Tithíochta HAP | 15 |
| 8.4 Cóiríocht do Dhaoine Breacaosta | 15 |
| 8.5 Léasú Sóisialta/Scéim Cóiríochta Cíosa | 16 |
| 8.6 Príobháideach ar Cíos/Forlíonadh Cíosa | 16 |
| 8.7 Cóiríocht don Lucht Siúil | 16 |
| 8.7.1 Scéim Ceannaigh Carbhán | 16 |
| 8.8 Tithíocht Úinéir-Áitithe | 16 |
| 8.8.1 An Scéim Deontais Oiriúnaithe Tithe | 16 |
| 8.8.2 Scéim Deontais na nÁiseanna Soghluaiasteachta | 17 |
| 8.8.3 Oibreacha Oiriúnaithe Tionóntha | 17 |
| 8.8.4 Cúnamh Tithíochta do Dhaoine Breacaosta | 18 |
| 09 Íocaíocht Cúnaimh Tithíochta | 19 |
| 9.1 Incháilitheacht do ICT | 19 |
| 9.2 An Próiseas ICT | 19 |
| 9.3 Íocaíochtaí ICT | 20 |
| 9.4 Deireadh a chur le Tionóntacht ICT | 20 |
| 10 Lasacht Tithíochta de chuid Atógáil Éireann | 21 |
| 11 Breis Faisnéise | 23 |



Cuspóir na Cáipéise



Treoir atá sa cháipéis seo maidir leis na roghanna tithíochta sóisialta atá ar fáil trí Údarás Áitiúla. Foinse tosaigh faisnéise atá sa cháipéis seo.

Tá láithreán ghréasáin ag gach Comhairle Cathrach agus Contae ar féidir teacht ar fhaisnéis níos mionsonraithe orthu ar na roghanna go léir a chuimsítear sa cháipéis seo.

Is féidir foirmeacha iarratais a fháil ó Rannóg Tithíochta do Chomhairle Cathrach nó Contae áitiúil nó a íoslódáil ó láithreán ghréasáin na gComhairlí.

Chomh maith leis sin, b'fhéidir go mbeidh lonaid um Phaisnéis do Shaoránaigh in ann teacht ar fhoirmeacha iarratais agus beidh siad in ann faisnéis agus treoir bhreise a sholáthar. Tá eolas maidir le tithíocht le fáil ar an láithreán gréasáin um Phaisnéis do Shaoránaigh www.citizensinformation.ie chomh maith.



01 Comhthéacs Beartais

Atógáil Éireann Plean Gníomhaíochta maidir le Tithíocht agus Easpa Dídine

Sheol an Roinn Tithíochta, Pleanála agus Rialtas Áitiúil a phlean gníomhaíochta cúig bliana maidir le tithíocht agus easpa dídine i mí lúil 2016. Is é aidhm uileghabhálach an phlean gníomhaíochta seo seachadadh tithíochta a mhéadú ón tearc-sholáthar atá ann faoi láthair ar fud gach tionachta chun cuidiú le daoine agus teaghlaigh a riachtanais tithíochta a shásamh. Tá sé mar aidhm aige chomh maith cuidiú leo siúd a bhfuil tithíocht acu faoi láthair fanacht ina dtithe nó roghanna cuí a chur ar fáil dóibh maidir le cóiríocht mhalartach, lena n-áirítear teaghlaigh atá i gcóiríocht éigeandála.

Tá na gníomhartha sa phlean leagtha amach i gcúig cholún.

Seo a leanas na colúin sin:



Colún 1 – Dul i ngleic le hEaspa Dídine

Is é príomhchuspóir an cholún seo tithe a sholáthar chomh tapa agus is féidir do dhaoine, lena n-áirítear teaghlaigh, atá i gcóiriúcht éigeandála. Áireofar leis seo soláthar tithíochta a mhéadú tríd an gClár Tithíochta Mear-Thógála agus clár Sealbhaithe na Gníomhaireachta Tithíochta. Leagtar béis freisin ar sheachadadh tacáiochtaí ar bhonn idirghníomhaireachta do dhaoine atá gan dídean, le béis ar dhaoine a bhíonn ag codladh amuigh. Faoin gcolún seo, beidh tacáiocht mhéadaithe ann ón Stát chun daoine a choinneáil ina dtithe atá i riaráistí morgáiste.

Colún 2 – Dlús a Chur faoi Thithíocht Shóisialta

Is iad príomhchuspóirí an cholún seo méid na tithíochta sóisialta agus tithíochta eile arna dtacú ag an Stát a mhéadú, agus an fráma ama don seachadadh sin a laghdú trí chur i bhfeidhm luathaithe na hlocaiochta Cúnamh Tithíochta (*féach Caibidil 9*) agus trí fhorbairt tionachta ar thailte Stáit a sheachadadh. Leagann an colún seo béis freisin ar an ngá atá le tacú le daoine breacaosta agus le daoine faoi mhíchumas fanacht ina gcónaí go neamhspleách ina dtithe féin. Déanfar é seo trí mhéadú ar an scéim Deontas um Oiriúnú Tithe, Cúnamh Tithíochta do Dhaoine Breacaosta agus an Scéim Deontas Áiseanna Soghluaiseachta a mhéadú. Féachann an pleán freisin go leagfaí béis ar theicneolaiochtaí cliste a úsáid i dtithíocht do dhaoine breacaosta agus chun pobail ar feadh an tsaoil a chinntiú.

Colún 3 – Tuilleadh Tithe a Thógáil

Is é cuspóir an cholún seo an méid tithíochta príobháidí atá á dtogáil a mhéadú chun freastal ar éileamh san earnáil seo ar phraghsanna réasúnta. Leagtar amach sa cholún seo athchóiriú beartais a bheidh de dhíth chun seachadadh níos tapúla a cheadú, chomh maith le céimeanna praiticiúla is féidir a thógáil.

Colún 4 – An Earnáil Chíosa a Fheabhsú

Is é an príomhchuspóir anseo ná dul i ngleic leis na bacainní maidir le seachadadh níos fearr laistigh den earnáil phríobháideach agus chun soláthar maoine ar cíos a fheabhsú le leibhéal cíosa inacmhainne. Beidh ról feabhsaithe ann don Bhord Tionóntachta Cíosa.

Colún 5 – Tithíocht Reatha a Úsáid

Leagtar amach sa cholún seo gníomhaíochtaí a chinnteoidh go mbainfear úsáid as stoc folamh a oiread agus is féidir, lena n-áirítear bearta chun ceantair uirbeacha agus tuaithe a athnuachan. Áiríonn sé sin an Tionscnamh Deisiúcháin agus Léasúcháin a thabhairt isteach, clár sealbhaithe na Gníomhaireachta Tithíochta (mar a leagtar amach i gColún 1) a úsáid chun díriú ar mhaoine folmha atá i seilbh na mbanc agus institiúidí airgeadais eile, agus leanúint ar aghaidh leis an obair ar eastáit neamhchríochnaithe.



Tógann Atógáil Éireann ar bheartas an Rialtais le blianta beaga anuas, trí straitéisí agus pleannanna, a rinne iarracht a chinntiú go bhféadfadh gach teaghlaigh rochtain a fháil ar thithíocht shábháilte, ar ardcháilíoch agus ar phraghas réasúnta a oireann dá riachtanas agus an tithíocht sin a bheith suite laistigh de phobail inbhuanaithe.

Baineann cuid de na straitéisí agus na pleannanna seo go sonrach le hearnáil agus cé gurb é Athchóiriú Éireann an brastraitéis chun déileáil le tithíocht agus easpa dídine, ba chóir aird a thabhairt ar na straitéisí agus na pleannanna eile seo agus gníomhaíochtaí Atógáil Éireann á seachadadh.

Straitéis Tithíochta Sóisialta 2020

D'fhorbair agus sheol an Roinn Tithíochta, Pleanála agus Rialtais Áitiúil Straitéis Tithíochta sé bliana in 2014. Is é fíos na Straitéise seo ná:

*"go mbeadh rochtain ag gach teaghlaach
ar thithíocht shábhálte, ar ardcháilocht agus
ar phraghas réasúnta a oireann dá riachtanas agus
go mbeadh an tithíocht sin suite
laistigh de phobail inbhuanaithe
agus go gcuirfidh an Stát, óna thaobh féin de,
meicníochtaí inbhuanaithe airgeadais i bhfeidhm
chun freastal ar éileamh reatha agus sa todhchaí
maidir le tacáiochtaí tithíochta sóisialta..."*

An Straitéis Tithíochta Náisiúnta do Dhaoine faoi Mhíchumas 2011 – 2016 (arna leathnú go dtí 2020 faoi Atógáil Éireann)

Is creat é an Straitéis Náisiúnta Tithíochta do Dhaoine Faoi Mhíchumas chun tithíocht a sholáthar do dhaoine faoi mhíchumas trí fhoinsí tithíochta príomhshutha. Seo a leanas an fhís atá ag an Straitéis:

*"éascú do dhaoine faoi mhíchumas rochtain a fháil
ar an raon cuí seirbhísí tithíochta agus seirbhísí
tacaíochta gaolmhara, arna soláthar ar bhealach
comhtháite, inbhuanaithe, lena gcuirtear chun cinn
comhionannas deiseanna, rogha an duine aonair
agus maireachtáil neamhspleách"*

Cé gur freastalaíodh ar riachtanas tithíochta dhaoine faoi mhíchumas roimhe seo trí sholáthraithe seirbhise sláinte mhaoinithe, faoin Straitéis seo, beidh rochtain níos fearr ag daoine faoi mhíchumas ar thithíocht shóisialta trí Údarás Áitiúla.

Leagtar amach sa Straitéis cur chuige comhtháite maidir le soláthar seirbhísí tithíochta agus tacáiochta ó na húdarás Áitiúla agus ó FSS, a chuirfidh ar chumas daoine faoi mhíchumas a saol a chaitheamh mar is rogha leo ina dtithe féin, i gcóiríocht atá deartha agus / nó oiriúnaithe, de réir mar is gá, chun freastal ar a gcuid riachtanas.

Cláir Cóiríochta na nÚdarás Áitiúil don Lucht Siúil 2014 -2018

Ceanglaíonn Acht na dTithe (Cóiríocht don Lucht Siúil) 1998 ar gach údarás áitiúil cláir chóiríochta rollta 5 bliana a tharraingt suas, a ghlacadh agus a chur i bhfeidhm chun soláthar cóiríochta do Lucht Siúil a luathú.

Tá na cláir ag feidhmiú ó 2000, leis an gceathrú babhta de chláir a glacadh in 2014 le bheith i bhfeidhm ó 2014-2018 . Forálann Alt 7 (4) den Acht gur feidhm fhorchoimeádta í clár cóiríochta a ghlacadh, a leasú nó a athsholáthar.

Ciallaíonn sé seo gur feidhm í a dhéanann na comhairleoirí tofa. Leagann na cláir sin amach na spriocanna do na riachtanais chóiríochta faoin Measúnacht um Riachtanais Tithíochta Sóisialta.¹



1. Is féidir na cláir do gach údarás áitiúil a fháil ar <http://www.housing.gov.ie/housing/special-housing-needs/traveller-accommodation/local-authority-traveller-accommodation>

02 **Tacaíocht Tithíochta Sóisialta**

Soláthraíonn Údarás Áitiúil nó Comhlacht Tithíochta Faofa tacaíocht tithíochta sóisialta do dhaoine a dheimhnítear, i ndiaidh measúnú a dhéanamh orthu, nach bhfuil siad in ann íoc as tithíocht óna n-acmhainní féin.

2.1 Údaráis Áitiúla

Is iad Údaráis Áitiúla na príomhsholáthraithe tacaíochta tithíochta sóisialta in Éirinn agus is iad an tiarna talún is mó sa Stát, i bhffrinne. Is é príomhchuspóir na Rannóige Seirbhísí Tithíochta in Údaráis Áitiúla chun cóiríocht agus tacaíocht tithíochta atá oiriúnach, costéifeachtúil agus ar ardchaighdeán a sholáthar do dhaoine óna dteastaíonn tithíocht..

Is féidir tacaíocht tithíochta a sholáthar ar roinnt bealaí:

- Tionóntachtaí ar cíos i maoin atá faoi úinéireacht Údaráis Áitiúil,
- Maoin tithíochta sóisialta a phríobháideach trí scéimeanna ar nós na Scéime um Chóríocht ar Cíos agus an Tionscnamh Léasaithe,
- Leithdháiltí do chóiríocht a sholáthraíonn Comhlachtaí Faofa Tithíochta,
- Cóiríocht shonrach a sholáthar do dhaoine gan dídean, daoine breacaosta agus an lucht siúil,
- Oiriúnuithe a éascú ar thithe reatha Údaráis Áitiúil chun freastal ar riachtanais shonracha teaghlaigh,
- Deontais áirithe a sholáthar chun inrochtaineacht a mhéadú sa teach do dhaoine faoi mhíchumas agus a bhfuil riachtanais speisialta acu.

2.2 Comhlachtaí Faofa Tithíochta

Eagraíochtaí neamhspleácha neamhbhrabúsacha iad Comhlachtaí Faofa Tithíochta a sholáthraíonn:

- tithíocht ar cíos do dhaoine nach bhfuil na hacomhainní acu chun a dtithe féin a cheannach, agus
- tithíocht speisialaithe, ar nós tithíochta do dhaoine breacaosta nó daoine gan dídean.

Tugtar Comhlachais Tithíochta Deonaí nó Comharchumainn Tithíochta orthu, chomh maith. Soláthraíonn siad tithíocht ar a mhacasamhail de bhonn a sholáthraíonn Údarás Áitiúil tithíocht.

Is gnách go ndéantar ainmniúcháin le Comhlacht Faofa Tithíochta le haghaidh maoine faoi úinéireacht nó ar léas tríd an Údaráis Áitiúil ina bhfuil an mhaoin ionnaithe.

03 Incháilitheacht do Thithíocht Shóisialta agus Riachtanas Tithíochta Sóisialta

Deimhnítear riachtanas agus incháilitheacht duine do thithíocht trí iarratas a dhéanamh ar Thacaíocht Tithíochta Sóisialta le hÚdarás Áitiúil.

Meastar go bhfuil duine incháilithe do Thacaíocht Tithíochta Sóisialta nuair a shásáíonn siad na critéir agus nuair nach bhfuil cóiríocht oriúnach eile ag an duine a bhféadfaidís cónaí inti nó a dhíol chun tithíocht eile a sholáthar dóibh féin. Anuas air sin, caithfidh nach raibh riaráistí ag duine i maoín údarás áitiúil eile agus caithfidh go bhfuil an ceart acu chun cónaí sa Stát, más ó thír eile iad.

Sa chás go bhfuil riachtanas tithíochta ag duine, i.e. níl a gcóiríocht reatha oriúnach ach ní mheastar go bhfuil siad incháilithe do thithíocht shóisialta, beidh orthu roghanna eile a fhiosrú lena dheimhniú conas is féidir a freastal ar a riachtanas tithíochta óna n-acmhainní féin, ar nós maoín a fháil ar cíos go príobháideach, maoín a cheannach nó a gcóiríocht reatha a oriúnú.

Féadfaidh tú breis faisnéise a fháil ó d'údarás áitiúil faoi Thacaíocht Tithíochta Sóisialta. Anuas ar fhaisnéis ón Údarás Áitiúil faoi thacaíochtaí tithíochta sóisialta, tá faisnéis ar fáil trí Sheirbhísí um Phaisnéis do Shaoránaigh maidir le tithíocht shóisialta agus phríobháideach araon ar féidir leis cabhair a thabhairt do dhaoine chun a roghanna tithíochta a fhiosrú ar bhealach fíor agus bríoch.²



2. <http://www.citizensinformation.ie/en/housing/>

04 Iarratas a dhéanamh ar Thacaíocht Tithíochta Sóisialta

4.1 Foirm iarratais

Chun iarratas a dhéanamh ar thacaíocht tithíochta sóisialta, caithfidh duine foirm iarratais a chomhlánú agus a sheoladh ar ais chuig an Údarás Áitiúil. Caithfidh duine iarratas a dhéanamh ar an Údarás Áitiúil sa cheantar ina gcónaíonn siad. Féadtar an fhoirm iarratais a fháil ón Údarás Áitiúil nó a fósłódáil ó láithreán gréasáin an Údarás Áitiúil. Ní fhéadfaidh duine iarratas a dhéanamh ach ar Údarás Áitiúil amháin ar Thacaíocht Tithíochta Sóisialta.

Caithfear an fhoirm iarratais ón Údarás Áitiúil lena bhfuil iarratas á dhéanamh ag an duine ar Thacaíocht Tithíochta Sóisialta a úsáid. Bíonn ainm an Údarás Áitiúil ag barr leathanach 1 den fhoirm.

Is tábhachtach go léitear an fhoirm iarratais go hiomlán agus go seoltar an fhaisnéis riachtanach go léir ar ais chuig an Údarás Áitiúil. Ba cheart an seicliosta ag tú na cáipéisí a úsáid lena chinntíú go seoltar an fhaisnéis riachtanach go léir ar ais leis an iarratas. Tá treoir sholéite ar fáil ón Údarás Áitiúil maidir le comhlánú na foirme iarratais. Seolfar iarratais neamhiomlána a sheoltar chuig Údarás Áitiúil ar ais chuig an duine, mar sin, is tábhachtach a chuímhneamh an t-iarratas iomlán a sheoladh ar ais nuair a chomhlánaítear é.

4.2 Ceangal Áitiúil

Ba cheart go ndéanfadh duine a n-iarratas leis an Údarás Áitiúil atá lonnaithe sa cheantar inar mhian leo cónaí. Ní gá dóibh an t-iarratas a dhéanamh leis an Údarás Áitiúil atá sa cheantar ina gcónaíonn siad faoi láthair. Nuair nach gcónaíonn duine faoi láthair sa cheantar inar mian leo cónaí, caithfidh siad a léiriú go bhfuil ceangal acu leis an gceantar sin, ar nós teaghlaigh, fostáiochta, oideachais nó riachtanais Leighis.

4.3 Rogha Ceantar

Nuir a dhéantar iarratas ar Thacaíocht Tithíochta Sóisialta, féadfaidh duine a mhéid le trí cheantar a shonrú laistigh de cheantar foriomlán an Údarás Áitiúil inar mhian leo cónaí. Má tá níos mó ná údarás áitiúil amháin i do chontae, b'fhéidir go mbeadh tú in ann rogha limistéar laistigh d'údarás áitiúil malartach an chontae sin a chur in iúl. Labhair le d'údarás áitiúil le haghaidh tuilleadh eolais a fháil. Ba cheart machnamh cúramach a dhéanamh ar roghnú na gceantar seo mar gheall nach gcuirfear ach tithíocht oiriúnach sna ceantair seo ar tairiscint don duine. Ba cheart machnamh a dhéanamh bunaithe ar rudaí ar nós seirbhísí, iompair, ceangail leis an teaghlaigh agus cairde, agus fáil a bheith ar thithíocht oiriúnach sa rogha ceantar.

4.4 Tithíocht Chomhlacht Faofa Tithíochta

Má tá iarratas á dhéanamh ag duine ar Thacaíocht Tithíochta Sóisialta bunaithe ar a míchumas, ba cheart dóibh a chinntíú go bhfuil an fhaisnéis bhreise a theastaíonn cuimsitheach agus go seoltar ar aghaidh í leis an bhfoirm iarratais.

4.5 Breis Faisnéise

If a person is applying for social housing support based on their disability or medical condition, they should ensure that the additional information required is comprehensive and submitted with the application form.

05 Measúnú

Déanann an tÚdarás Áitiúil measúnú ar gach iarratas comhlánaithe lena dheimhniú an bhfuil nó nach bhfuil an duine ‘incháilithe’ do thithíocht agus an bhfuil nó nach bhfuil tithíocht ‘ag teastail’ ón duine.

Nuir a dhéantar measúnú ar an iarratas, déanfaidh an tÚdarás Áitiúil breithniú ar na tosca seo a leanas:

- méid an teaghlaigh,
- ioncam an teaghlaigh,
- cóirfacht reatha (más ann di),
- an bhail atá ar an gcóiríocht reatha,
- faisnéis ábhartha eile, ar nós riachtanais shonacha mar gheall ar mhíchumas nó cúinsí leighis, etc.

Is ionann méid an teaghlaigh agus an lín daoine atá ar an bhfoirm iarratais, féadfaidh duine amháin nó níos mó a bheith i gceist leis seo.

Nuir a dhéantar measúnú ar iarratas ar thithíocht shóisialta, tugann an tÚdarás Áitiúil, i dtosach báire, faoina dheimhniú go bhfuil an duine **‘incháilithe’ do thithíocht shóisialta** bunaithe ar an méid seo a leanas:

- teorainneacha ioncaim,
- an ceart chun cónaí sa Stát ar bhonn fadtéarmach,
- níl stair shuntasach de riaráistí cíosa ag an duine le hÚdarás Áitiúil,
- níl teach faoi úinéireacht an duine ina bhféadfaidís cónaí.

Ar an dara dul síos, **deimhneoidh** an tÚdarás Áitiúil **an ‘riachtanas’** i dtaobh tithíocht shóisialta. Chun seo a dhéanamh, déanfaidh Údarás Áitiúla breithniú ar an saghas tithíochta atá á áitiú ag an duine faoi láthair, mar shampla:

- an bhfuil sé plódaithe nó neamhoiriúnach?
- teastaíonn cóiríocht ar leith mar gheall ar mhíchumas,
- tá an duine ina c(h)ónaí in institiúid, cóiríocht éigeandála nó brú, etc.

Nuir a bhunaítear incháilitheacht agus nuair a dhéantar an cinneadh go dteastaíonn tithíocht shóisialta ón duine, meastar go ‘gcáillíonn’ duine do thithíocht shóisialta. Ag an bpointe seo, cuirtear an duine ar Thaifead na dTeaghlach Cáilithe. Tugtar an liosta feithimh tithíochta air seo go coitianta. Seo conas a phleanálann údarás áitiúla chun cóiríocht oiriúnach a sholáthar a fhreastalóidh ar riachtanais iarratasóirí.



06 Liostaí Feithimh Tithíochta

Cuirtear gach duine a rinne iarratas ar thithíocht shóisialta agus a mheastar a cháilíonn di, ar Liosta Feithimh Tithíochta an Údaráis Áitiúil.

Déanann gach Údarás Áitiúil an Liosta Feithimh Tithíochta dá limistéar féin riarrachán a choimeád agus a bhainistiú. Déanann an tÚdarás Áitiúil daoine a ainmniú, chomh maith, ó na Liostaí Feithimh Tithíochta a leithdháiltear tithíocht dóibh i maoín atá faoi Úinéireacht Chomhlachtaí Faofa Tithíochta.

Féadfaidh gach Údarás Áitiúil ord na tosaíochta a dheimhniú a bhaineann lena liosta feithimh. Tugtar na 'scéimeanna um thosaíochtaí ligin ar cíos' orthu seo. Faoi láthair, oibríonn formhór na nÚdarás Áitiúil córas atá bunaithe ar "an am a chaitear ar liosta", ina dtugtar túis áite dóibh siúd is faide atá ar an liosta feithimh. Oibríonn roinnt Údarás Áitiúla Catagóirí Tosaíochta, áfach. Is féidir sonraí fúthu seo a fháil ó gach Údarás Áitiúil.

6.1 Rogha Tithíochta a Ligean

Tá córas ag roinnt Údarás Áitiúla ar a dtugtar Rogha Tithíochta atá ar an Liosta Feithimh Tithíochta chun cinntí a dhéanamh faoin áit a gcónaíonn siad agus faoi rogha tionachta (comhairle, tithe, dheonach agus tithe léasaithe). Tugtar Airm Úsáideora agus Uimhir Aitheantais Phearsanta uathúil do gach iarratasóir nuair a fhaomhtar iad lena gcur san áireamh ar an liosta tithíochta. Fógraíonn an Chomhairle tithe atá ar fáil lena ligean d'iarratasóirí incháilithe ar thithíocht ar a Láithreán Gréasáin um Rogha Tithíochta a Ligean. Féadfaidh an duine a spéis sa mhaoin a léiriú ar an láithreán gréasáin. Tá fáil ar rochtain ar an idirlíon agus ar shaoráidí ríomhaire i leabharlanna áitiúla.

De réir mar a bhíonn fáil ar thithe agus árasáin lena ligean, leithdháiltear iad ón liosta feithimh in ord tosaíochta, agus gach ceann de na cúinsí ábhartha á gcur san áireamh.

07 Tithíocht a Leithdháileadh

Is féidir leithdháiltí a dhéanamh le cóiríocht a sholáthraíonn Údarás Áitiúla go díreach nó do chóiríocht a sholáthraíonn Comhlachtaí Faofa Tithíochta.

Sa chás go soláthraíonn Comhlachtaí Faofa Tithíochta an chóiríocht, ainmníonn an tÚdarás Áitiúil duine ón liosta tithíochta chun glacadh leis an tionóntacht. A luithe a ghlacann an Comhlacht Faofa Tithíochta leis an duine seo mar thionóntha, measann an tÚdarás Áitiúil gur freastalaíodh ar riachtanas cóiríochta an duine.

Nuir a phleanálann an tÚdarás Áitiúil chun tairiscint cóiríochta a dhéanamh, caithfidh sé athbhreithniú a dhéanamh ar an measúnú a rinne sé ar incháilitheacht agus riachtanas an teaghlaigh i dtaobh tithíochta shóisialta. Ina theannta sin, féadfaidh sé a dheimhniú go bhfuil an t-iarratas bailí go fóill maidir leis an gceangal atá aige leis an gceantar agus 'an rogha ceantair' a roghnú. Ar a bharr sin uile, féadfaidh siad a sheiceáil nár athraigh cúinsí an duine, a measfaí go mbeidís neamh-incháilithe le haghaidh Tacaíocht Tithíochta Sóisialta dá bharr.

Ba cheart a thabhairt faoi deara nach mbíonn troscán i dtithíocht Údarás Áitiúil. Is féidir iarratas a dhéanamh leis an Roinn Coimirce Sóisialaí ar chúniamh airgeadais i dtreo earraí agus fearais a cheannach. Tugtar lócaíocht ar Riachtanais Eisceachtúla air seo. Déantar na híocaíochtaí seo faoin Scéim Liúntas Leasa Forlíontach.



08 Roghanna um Sholáthar Tithíochta Sóisialta

8.1 Stoc Údarás Áitiúil

Leanann Údarás Áitiúla bheith ar an tiarna talún is mó sa tir. Meastar gurb amhlaidh a bheidh an cás don todhchaí intuartha. Leanfaidh Údarás Áitiúla lena stoc a bhainistiú, leithdháiltí folúntas ina measc a thagann chun solais. Íocfaidh tionóntha de chuid Údarás Áitiúil ciosa difréalach a bhaineann le hioncam.

8.2 Stoc Comhlacht Faofa Tithíochta

Tá imreoir mór déanta de Chomhlachtaí Faofa Tithíochta (CFTanna) i dtaobh Tacaíocht Tithíochta Sóisialta a sholáthar do dhaoine ó gach cuid den phobal. Tá breis agus 500 CFT de shaghsanna agus de mhéideanna éagsúla ann. Soláthraíonn CFTanna os cionn 30,000 teach ar fud na tíre. Is éagsúil don tithíocht a sholáthraíonn na comhlachtaí seo agus áirítear léi an méid seo a leanas:

- Tithíocht ghinearálta,
- Córíocht do dhaoine breacaosta,
- Tithíocht do dhaoine faoi mhíchumas, daoine a bhfuil saincheisteanna meabhairshláinte orthu ina measc, agus
- Córíocht do dhaoine gan díean.

Déileálm roinnt CFTanna go príomha le soláthar ginearálta tithíochta agus bíonn ról níos speisialaithe ag cinn eile.

Chun cóiríocht atá faoi úinéireacht CFT a fháil, caithfidh duine aonair/teaghlaigh cáiliú do Thacaíocht Tithíochta Sóisialta leis an Údarás Áitiúil. Aínmneoidh an tÚdarás Áitiúil iarratasóirí ansin leis na CFTanna ar aon dul lena mBeartas Leithdháilte.

Soláthraíonn Comhlachtaí Faofa Tithíochta cóiríocht tríd an méid seo a leanas:

- Nuathógáil,
- Ceannach, agus
- Léasú sa mhargadh príobháideach.

Cé go mbíonn teacht ar Chomhlachtaí Faofa Tithíochta ar airgeadas príobháideach chun roinnt dá bhforbairt/gceannach a chistiú, faigheann siad cistíú on Stát, chomh maith, trí na hÚdarás Áitiúla faoi roinnt scéimeanna.

Más mian le duine go ndéanfar breithniú air/uirthi le haghaidh tithíochta a sholáthraíonn Comhlacht Faofa Tithíochta, caithfidh siad é seo a thabhairt le fios trí thic a chur sa bhosca 'Tithíocht Dheonach/Comharthithíocht' i gCuid 13 den Fhoirm larratais ar Thithíocht Shóisialta.

8.3 Íocaíocht Cúnaimh Tithíochta

Foirm eile de thacaíocht tithíochta sóisialta is ea ÍCT a sholáthraíonn údarás áitiúla. Soláthraíonn Údarás Áitiúla cúnamh tithíochta do theaghlaigh chun cónaí san earnáil phríobháideach ar cíos, a cháilíonn do thacaíocht tithíochta sóisialta. Ceadaíonn ÍCT do theaghlaigh a cháilíonn do Thacaíocht Tithíochta Sóisialta chun maoin a aimsiú san earnáil phríobháideach ar cíos, faoi réir caidhpeanna áirithe. Íocfaidh an tÚdarás Áitiúil an cíos margaidh don teaghlaigh leis an tiarna talún agus íocfaidh an teaghlaigh cíos bunaithe ar ioncam leis an Údarás Áitiúil.

Tá Íocaíocht Cúnaimh Tithíochta (ÍCT) dírithe ar dhaoine a bhfuil riachtanas fadtéarmach tithíochta

acu agus a cháilíonn do thacaíocht tithíochta sóisialta. Freastalaíonn ÍCT ar riachtanas tithíochta duine agus baintear an duine ón Liosta Feithimh Tithíochta dá bharr. Féadfaidh an duine iarratas a dhéanamh, áfach, ar aistriú chuig maoin atá faoi úinéireacht Údarás Áitiúil/CFT agus má dhéanann siad iarratas laistigh de thréimhse ar leith, cuirtear an t-am a chaith siad ar an liosta feithimh san áireamh nuair a bhíonn siad ar an Liosta Feithimh Aistrithe. (Féach 9 chun teacht ar bheis faisnéise)

8.4 Cóiríocht do Dhaoine Breacaosta

Soláthraíonn cuid de na húdarás áitiúla cóiríocht speisialta do dhaoine breacaosta - de ghnáth cóiríocht phobail le gnéithe speisialta, cosúil le maoir agus ceamaraí slándála. Is féidir le teorainneacha aoise maidir le cóiríocht do dhaoine breacaosta athrú ag brath ar an údarás áitiúil, ach ar an meán tá sé 55 bliana d'aois+.

8.5 Léasú Sóisialta/Scéim Cóiríochta Cíosa

Tacaíocht tithíochta sóisialta iad leasú fadtéarmach sóisialta (10 mbliana) agus leasú gearrthéarmach (4 bliana) agus an Scéim Cóiríochta Cíosa (SCC) (4-7 mbliana) a sholáthraítear do theaghlaigh tríd an earnáil phríobháideach. Féadfaidh tiarnaí talún a maoin a chur ar tairiscint ar feadh tréimhse idir 4 agus 10 mbliana agus ainmneoidh an tÚdarás teaghlaigh don mhaoin sin. Íocann an tionóna cíos difréálach leis an Údarás Áitiúil agus déanfaidh an tÚdarás Áitiúil íocaíochtaí leis an tiarna talún thar ceann an tionóna.

Bíonn na roghanna seo ar fáil do gach duine a cháilíonn do thacaíochtaí tithíochta sóisialta, iad siúd a aistríonn ó láithreacha comhchónaithe ina measc agus iad siúd a chónaíonn sa phobal a dteastaíonn tithíocht uathu ar phorais mhíchumais/leighis.

Tá fáil ar fhaisnéis ar an SCC ar láithreán gréasáin na Roinne Tithíochta, Pleanála, Pobail agus Rialtais Áitiúil³

8.6 Príobháideach ar Cíos/Forlíonadh Cíosa

D'fhéadfáí freastal ar riachtanas tithíochta gearrthéarmach do dhaoine aonair nó do theaghlaigh san earnáil phríobháideach ar cíos le cúnamh ó fhorlíonadh cíosa, arna mhaoliniú ag an Roinn Coimirce Sóisialaí. Íocatar Forlíonadh Cíosa le daoine atá ina gcónai i lóistín príobháideach nach féidir leo costas a gcuid cóiríochta a íoc óna gcuid acmhainní féin.

Ríomhtar an méid Forlíonta Cíosa a sholáthraítear lena chinntí nach dtagann an t-ioncam, tar éis cíos a íoc, faoi bhonn leibhéal íosta. Tacaíocht ioncaim is ea an Forlíonadh Cíosa agus déanfar é a athbhreithniú tar éis an íocaíocht Cúnaimh Tithíochta a rolladh amach.

8.7 Cóiríocht don Lucht Siúil

Tá raon roghanna cóiríochta ar fáil don Lucht Siúil. Áirítear orthu seo tithíocht caighdeánach údarás áitiúil, tithíocht phríobháideach ar cíos nó tithíocht phríobháideach arna cuidiú ag údarás áitiúil nó eagraíochtaí deonacha. Tá cóiríocht atá sonrách don Lucht Siúil a fhraigheann maoiniú caipítill 100% ón Roinn ar fáil freisin, lena n-áirítear grúpscéimeanna tithíochta agus láithreáin stad.

8.7.1 Scéim Ceannaigh Carbhán

Is féidir le hiasachtaí a bheith idir €1,000 suas go dtí uasmhéid de €6,350, ag brath ar imthosca. 5 bliana an tréimhse uasta chun iasachtais a aisíoc. Ní mór d'íarratasóirí 10% ar a laghad de phraghas ceannaigh an chabháin a íoc.

3. <http://www.housing.gov.ie/housing/social-housing/rental-accommodation-scheme/rental-accommodation-scheme>

8.8 Tithíocht Úinéir-Áitithe

Úinéirí tí atá ar an saghais is mó de theaghlaigh sa tír. Chun cabhrú le duine fanacht ina dteach féin, féadfaidh na hÚdarás Áitiúla roinnt deontas a thairiscint.

8.8.1 An Scéim Deontais Oiriúnaithe Tithe

Tá an Deontas Oiriúnaithe Tithe in ainm is cabhrú le duine go ndéanfar oibreacha ar theach chun áit níos oiriúnaí a dhéanamh de le cónaí ann. Caithfidh míchumas marthanach a bheith i gceist le míchumas an duine agus caithfidh lagú fisiciúil, céadfach, meabhairshláinte no intleachtúil a bheith i gceist leis. I measc na saghsanna oibre a chumhdaítear, tá rampaí rochtana, greimráillí, leithreas thíos staighre, cathaoireacha staighre agus cithfholcadáin bhoinn leibhéalta a shuiteáil, athruite a dhéanamh chun rochtain ag cathoir Rotháil a éascú, síntí, agus aon oibreacha eile a theastaíonn go réasúnta chun áit níos oiriúnaí le cónaí ann a dhéanamh de theach.

Teastaíonn tuairisc Theiripeoir Saothair (TS) ina moltar na hoibreacha a bheartaítear. Bunaítear infhaighteacht agus leibhéal an deontais ar bhonn ollioncam gach duine sa teaghlaigh atá os cionn 18 mbliana d'aois (os cionn 23 bliain d'aois má tá mac léinn lánaimseartha sa teaghlaigh) don bhliain chánach roimhe sin. Ríomhtar méideanna an deontais bunaithe ar ghlanchostas na n-oibreacha faofa a bheartaítear. Is é an deontas uasta atá ar fáil €30,000 agus féadfaidh sé a mhéid le 95% de chostas na n-oibreacha faofa a chumhdach. Bunófar túis áite a thabhairt d'incháilitheacht ar riachtanas leighis agus airgeadais agus beidh 95% de chostas faofa na hoibre ar fáil dóibh siúd a bhfuil ioncaim bhliantúla theaghlaigh níos lú ná €30,000 acu agus tiocfaidh laghdú anuas go dtí 30% dóibh siúd a bhfuil ioncaim bhliantúla theaghlaigh €60,000 acu.

Caithfear faomhadh a fháil do na hoibreacha sula dtosaítear leis an obair agus déantar an deontas a íoc nuair a bhíonn an obair tugtha chun críche.

8.8.2 Scéim Deontais na nÁiseanna Soghluaisteachta

Tá Scéim Deontais na nÁiseanna Soghluaisteachta ar fáil chun cúnamh deontais a thabhairt chun tosaigh chun íoc as sraith bhunúsach oibreacha chun dul i ngleic leis na fadhbanna soghluaisteachta, go príomha, seachas go heisiach, a bhaineann le dul in aois.

I measc na n-oibreacha a soláthraítear cúnamh deontais dóibh faoin scéim, tá an méid seo a leanas:

- Greimráillí;
- Rampaí rochtana;
- Cithfholcadáin bhoinn leibhéalta;
- Cathaoireacha staighre; agus
- Mionoibreacha eile a mheastar atá riachtanach chun riachtanais soghluaisteachta baill de theaghlaigh a éascú.

Féadfaidh duine atá faoi mhíchumas an Scéim seo a rochtain. Teastaíonn tuairisc Theiripeoir Saothair ina dtugtar cuntas ar mholadh na n-oibreacha a bheartaítear.

Déantar tástáil mhaoine ar infhaighteacht an deontais agus deimhnítear leibhéal an deontais bunaithe ar ollioncam gach duine sa teaghlaigh atá os cionn 18 mbliana d'aois (os cionn 23 bliain d'aois má tá mac léinn lánaimseartha sa teaghlaigh) don bhliain chánach roimhe sin. Níor cheart go sáródh ollioncam bhaill an teaghlaigh €30,000 a shárú.

Is é an deontas uasta atá ar fáil €6,000 nó le 100% de ghlanchostas na n-oibreacha a bheartaítear.

8.8.3 Oibreacha Oiriúnaithe Tionóntha

Tá an scéim ar fáil do thionónaí Údarás Áitiúil a dteastaíonn uathu go dtabharfar faoi oiriúnuithe ar a dteach Údarás Áitiúil chun cabhrú lena riachtanais mhíchumais. Is gnách go ndéanfaidh údarás áitiúil breithniú ar gach rogha atá ar fáil sula ndéanann siad maoin a oiriúnú, breithniú a dhéanamh leis an tionóna, ina measc siúd, chun iad a aistriú chuig maoin níos oiriúnaí.

8.8.4 Cúnamh Tithíochta do Dhaoine

Breacaosta

Tá an Scéim Cúnaimh Tithíochta do Dhaoine Breacaosta ar fáil chun cabhrú le daoine breacaosta atá ag cónaí faoi dhrochdhálaí tithíochta chun go dtabharfar faoin deisiúchán nó feabhsúchán riachtanach.

Féadtar deontais faoin Scéim Cúnaimh Tithíochta do Dhaoine Breacaosta a íoc, sa chás gur cuí, maidir le hoibreacha faoina dtugtar ar thithíocht úinéir-áitithe nó ar thithe atá á gceannach ó údarás áitiúil faoin scéim cheannaigh ag tionóntaí.

I measc shaghsanna na n-oibreacha a soláthraítear cúnamh deontais dóibh faoin scéim, tá an méid seo a leanas:

- Athdhíonadh: Beidh ar iarratasóirí a dhéanann iarratas go dtabharfar faoi dheisiúchán/ionadú dín dearbhú scríofa óna gcomhlacht árachais a sheoladh ar ais ina ndearbhaítear nach gcumhdaíonn a bpolasáí reatha árachais an deisiúchán sin.
- Athshreangú: Caithfidh iarratasóirí a dhéanann iarratas go dtabharfar faoi athshreangú dearbhú scríofa a chur faoi iamh lena n-iarratas ó leictreoir cáilithe ina luaitear bail an tsreangaithe reatha.
- Téamh lárnach, uisce agus seirbhísí sláintíochta a sholáthar (sa chás nach ann díobh)
- Deisiúchán ar/ionadú fuinneoga agus doirse: ní sholáthrófar cúnamh deontais ach faoi chuínsí eisceachtúla.
- Tirimlíneáil amháin
- Eile – breithneofar ar aon deisiúchán nó obair feabhsúcháin eile a theastaíonn go réasúnta i dtuairim na Comhairle.

Tá an leibhéal deontais atá ar fáil bunaithe ar mheasúnú ar ioncam an teaghlaigh, faoi mar a leagtar amach sa tábla seo a leanas.

| Ollioncam uasta teaghlaigh sa bhliain | % de na costais atá ar fáil | An Deontas Uasta atá ar fáil |
|---------------------------------------|-----------------------------|------------------------------|
| A mhéid le €30,000 | 95% | €8,000 |
| €30,001 - €35,000 | 85% | €6,800 |
| €35,001 - €40,000 | 75% | €6,000 |
| €40,001 - €50,000 | 50% | €4,000 |
| €50,001 - €60,000 | 30% | €2,400 |
| Os cionn €60,000 | Deontas ar bith iníoctha | Deontas ar bith iníoctha |

09 Íocaíocht Cúnaimh Tithíochta (ÍCT)

Foirm eile de thacaíocht tithíochta sóisialta is ea ÍCT a sholáthraíonn Údarás Áitiúla. Soláthraíonn Údarás Áitiúla cúnamh tithíochta do theaghlaigh chun cónaí san earnáil phríobháideach ar cíos, a cháilíonn do thacaíocht tithíochta sóisialta.

Faoi ÍCT, déanann Údarás Áitiúla an íocaíocht iomlán chíosa, faoi réir teorainneacha cíosa, thar ceann an duine díreach leis an tiarna talún. Íocann an duine ranníocaíocht chíosa leis an Údarás Áitiúil. Cíos difreálach is ea an ranníocaíocht chíosa (bunaithe ar ioncam).

- A luartha a bhíonn teaghlaigh rannpháirteach in ÍCT, meastar go bhfuiltear ag freastal ar a riachtanais tithíochta cóiríochta,
- Bíonn an tÚdarás Áitiúil freagrach as gach teaghlaigh a ndeimhnítear go bhfuil riachtanas tithíochta acu,
- Aimsíonn an teaghlaigh a gcóiríocht féin sa mhargadh príobháideach ar cíos,
- Is éagsúil a bhíonn méid an chíosa a bhíonn iníochta i ngach limistéar Údarás Áitiúil, ag brath ar mhéid an teaghlaigh a dhéanann iarratas agus ar an margadh cíosa sa cheantar.
- Íocann an tÚdarás Áitiúil an tiarna talún go díreach,
- Tagann ÍCT in ionad Forlíonadh Cíosa i dtaoibh teaghlaigh a bhfuil riachtanas fadtéarmach acu.

Ba cheart a thabhairt faoi deara gur féidir le teaghlaigh a bhfuil riachtanais ghearrthéarmacha fáil a bheith acu ar Fhorlíonadh Cíosa go fóill.

9.1 Incháilitheacht do ÍCT

Tá teaghlaigh ar bith atá cáilithe do thacaíocht tithíochta sóisialta incháilithe do ÍCT. Beartaítear go rachfar i ngleic leis an teaghlaigh seo a leanas faoi ÍCT:

- larratasóirí nua ar thithíocht shóisialta ar mian leo iarratas a dhéanamh ar ÍCT,
- Teaghlaigh reatha ar liostaí tithíochta a d'fhéadfadh teacht a fhad leis an Údarás Áitiúil agus ÍCT á lorg acu,
- Faigheoirí forlíonadh cíosa ar bhonn fadtéarmach a aistreofar chuig ÍCT de réir a chéile.

9.2 An Próiseas ÍCT

Chun iarratas a dhéanamh ar ÍCT, caithfidh go ndearna iarratasóir iarratas ar agus go ndearnadh é/í a fhaomhadh amhail bheith 'incháilithe do thacaíocht tithíochta sóisialta'.

- A luartha a fhaomhtar iarratasóir, soláthraíonn an tÚdarás Áitiúil 'Paca Tionóná' don iarratasóir, ina bhfuil an méid seo a leanas:
 - Bileog Faisnéise do Thionóná,
 - Bileog Faisnéise do Thiarnáí Talún,
 - Foirm iarratais ar ÍCT, agus
 - Teorainneacha cíos teaghlaigh áitiúla ÍCT.

- Caithfidh an duine maoin oiriúnach a aimsiú sa mhargadh príobháideach ar cíos,
- Ní gá an fhoirm iarratais a chomhlánú ach nuair a bhíonn maoin aimsithe,
- Caithfidh an tiarna talún sonraí a sholáthar faoin maoin. Féadfaidh an tiarna talún an mhír seo den fhoirm a sheoladh ar ais ar leithligh,
- Próiseállann an túdarás Áitiúil an t-iarratas lena chinntiú go gcomhlíonann sé na critéir,
- Má fhaomhtar íocaíochtaí ICT, síníonn an duine 'Comhaontú Ranníocaíochta Cíosa',
- B'fhéidir go dteastóidh cruthúnas i dtaobh comhaontú tionóntachta,
- Glacann an Duine le tionóntacht leis an tiarna talún.

9.3 Íocaíochtaí ICT

- Caithfidh an duine cíos difréálach a íoc leis an Údarás Áitiúil. Sa chás go bhfuil íocaíochtaí leasa shóisiallaigh á bhfáil ag an duine trí oifig an phoist, íocatar cíos difréálach tríd an Scéim Buiséad Teaghlaigh,
- Déanann an túdarás Áitiúil íocaíochtaí ICT go díreach leis an tiarna talún gach mí i riaráistí,
- Faoin ICT, bíonn an duine freagrach as aon éarlaís a íoc,
- Is féidir íocaíochtaí ICT a chur ar fionraí nó a stopadh sna cásanna seo a leanas:
 - Ní bhaineann an mhaoín caighdeán sách ard amach
 - Níl an tiarna talún comhlíontach i dtaobh cánach
 - Teipeann ar an duine cíosa difréálach a íoc
 - Tugann an duine faoi iompar frithshóisialta

9.4 Deireadh a chur le Tionóntacht ICT

- Bítear ag súil leis go bhfanfaidh an duine sa mhaoín ar feadh dhá bliain, ar a laghad,
- Faoi chíunsí áirithe, b'fhéidir go mbeidh an duine in ann iarratas a dhéanamh ar íocaíochtaí nua ICT le haghaidh maoin dhifriúil níos luaithe ná an tréimhse dhá bliain,
- Féadfaidh an tiarna talún deireadh a chur leis an tionóntacht ICT má sháraíonn an duine coinníollacha a dtionóntachta, faoi mar a leagtar amach san Acht um Thionóntachtaí Cónaithe, 2004⁴.



4. <http://www.rtb.ie/media-research/published-register/legislation>

10 lasacht Tithíochta de chuid Atógáil Éireann

Tá go leor soláthróirí morgáiste ann, amhail bainc, cumainn foirgníochta agus údaráis áitiúla. I bhformhór na gcásanna, soláthraíonn banc nó cumann foirgníochta príobháideach iasachtaí morgáiste do theaghlaigh chun teach a cheannach.

D'fhéadfadh duine nach bhfuil in ann iasacht a fháil ó chumann foirgníochta nó ó bhanc, a bheith incháilithe do mhorgáiste údaráis áitiúil. Caithfidh an duine a bheith ina cheannaitheoir céaduaire, idir 18 agus 70 bliain d'aois, agus ioncam a shásáíonn an tástáil ioncaim a bheith acu.

Is morgáiste nua ón Rialtas é lasacht Tithíochta Atógáil Éireann do cheannaitheoirí céaduaire. Tá sé ar fáil ar fud na tíre ó gach údarás áitiúil ón 1 Feabhra 2018.

Mar cheannaitheoir céaduaire is féidir leat iarratas a dhéanamh ar lasacht Tithíochta Atógáil Éireann chun maoin nua nó dara láimhe a cheannach, nó chun do theach féin a thógáil.

Is gnáth-mhorgáiste Caipitil agus Úsmhar é an iasacht a aisíocatar ar bhonn míosúil. Is féidir leat suas le 90% de luach margaídí na maoine a fháil ar iasacht.

Seo a leanas uasluachanna margaídí na maoine is féidir iad a cheannach nó a fhéintógáil: €320,000 i gcontaetha Corcaigh, Bhaile Átha Cliath, Ghaillimh, Chill Dara, Lú, na Mí agus Chill Mhantáin, agus €250,000 sa chuid eile den tír.

Le bheith incháilithe le haghaidh lasacht Tithíochta de chuid Atógáil hÉireann ní mór duit:

- a bheith i do cheannaitheoir céaduaire,
- a bheith idir 18 agus 70 bliain d'aois,
- a bheith i bhfostaíocht leanúnach ar feadh dhá bliain ar a laghad mar phríomh-iarratasóir, nó a

bheith i bhfostaíocht leanúnach ar feadh bliana ar a laghad mar iarratasóir tánaisteach,

- ioncam comhlán bliantúil nach mó ná €50,000 a bheith agat mar iarratasóir singil nó nach mó ná €75,000 mar chomh-iarratasóir,
- cuntas dheimhnithe dhá bliain a chur isteach má tá tú féinfhostaithe,
- fianaise a sholáthar ar thairiscintí airgid neamhleor ó dhá bhanc nó ó dhá chumann foirgníochta,
- gan a bheith i d'úinéir reatha nó roimhe seo ar mhaoin chónaithe i bPoblacht na hÉireann nó lasmuigh de,
- a bheith ag cur fút sa mhaoin mar do ghnátháit chónaithe,
- maoin atá suite i bPoblacht na hÉireann nach mó ná 175 méadar cearnach (oll-achar urláir inmheánach) a cheannach nó a fhéinthogáil,
- toiliú do sheiceáil ag Biúró Creidmheasa na hÉireann.

Tá incháilitheacht faoi réir foirm iarratais iomlán lasacht Tithíochta Atógáil Éireann agus dearbhú ag d'údarás áitiúil a chur isteach.

Tá tuilleadh eolais lena n-áirítear foirm iarratais ar fáil ar www.rebuildingirelandhomeloan.ie

Is féidir faisnéis a fháil ónár deasc chabhrach ag 051 349720 (8am go dtí 5pm - Luan go hAoine) nó ó d'údarás áitiúil.

11 Breis Faisnéise

Is féidir breis faisnéise a fháil faoi aon ábhar a chumhdaítear sa cháipéis seo a fháil ó d'oifig Údaráis Áitiúil nó ó Ionaid um Fhaisnéis do Shaoránaigh.

Tá faisnéis ar fáil ar an ngréasán, chomh maith.
Tiocfaidh faisnéis aníos má dhéantar cuardach bunaithe ar 'Tacaíocht Tithíochta Sóisialta' ar láithreán gréasáin na Gnáomhaireachta Tithíochta agus tiocfaidh tú ar fhaisnéis, chomh maith faoi fhaisnéis teaghmála do na hÚdaráis Áitiúla go léir.

Roinnt láithreáin ghréasáin áisiúla:
www.citizensinformation.ie
www.housingagency.ie
www.housing.gov.ie
www.rtb.ie







Plean Gníomhaiochta maidir le Tithiocht
agus Easpa Didine



Gníomhaireacht Tithiocht
53 Sráid an Mhóta Uachtarach
Baile Átha Cliath D02 KT73

*Nuashonraithe
Feabhra 2018*